

حيات

حيات دأما حیات... دیاہ دایا ہیرہ حیات قاتلم...
- نیچہ -

نومبر ۱۰ غرور
سنه لکی پوسه ایلہ ۵ لیرا
(اجنبی مملکتلر ایچین ۵ دولار)

ایوه واعلان ایشلری ایچین استانبول بوروسنه
مراجعت ایدیلیر
یازی ایشلرینک مرجعی آنقره مرکزدر

اداره مرکزی :
آنقره ده ، استانبول جاده سنده آنقره
معارف امینلکی یاشنده کی داتره

استانبول بوروسی :
استانبولده ، باب عالی جاده سنده ۸۷ نومروده
داره مخصوصه

۲ نجی جلد

آنقره ، ۲۳ حزیران ، ۱۹۲۷

صافی : ۳۰



طیاره می لیند برغک

موفقیتی منا-بتیر

بعضی ملاحظه لر

صوک زمانلرده همان هیچ بر کیسه یه
لیند برغ قادر شرف و شهرت قازانمق نصیب
اولامشدر . پارسه ایندیکی زمان بیکلرجه خلق
وجد ایچنده اونو آلقیشلادی ، قاج شاعری
بو کنج طیاره جینک جسارتی تهییج ایندی ،
اوکا « قصیده لر » یازدی لر . لوندره یه ایندیکی
زمان خلق طیاره نك آلتنده قالمق تهله کسه
رغمأ اوزرینه آتیلیمق ایسته دی ، وطنه بویوک
بر قرووازورله دوندی ، امریقا ساحلنده درت
یوز طیاره اونو استقبال ایلدی . بیکلرجه انسان
اونو کورمک ایچون کچه جکی یوللره دوکولدی لر .
بو حادثه بزی ایکی نقطه نظر دن دوشوندرمیلیر :
(۱) طیاره می لیند برغک بوقادار هیجان دوغوران
موفقیتنک اساسی نه در ، طیاره جیده وجد درجه سنده
تقدیر او یاندران مزیت هانکی سیدر ؟ (۲)
لیند برغده کی اراده قدرتی بالکزانونک فردیتنده می
آرامالیدر ، عیجا لیند برغی تهله کله دولو بر
یوله سوق ایدن اجتماعی عامل نه در ؟

لیند برغ ذکاسیله یکی برکشفده بولونمادی ،
اونده آلقیشلانان مزیت اراده سی ، اراده ده کی
قدرتیدر . ذاتا بشریتی الکچوق وجده ، هیجانه

کثیرن ، تقدیر او یاندران مزیت ، ذکا دکلدر .
اوتهدنبری انسانلر مختلف طرزده تجلی ایلین
اراده قهرمانلرینی تجیل ایتشلر ، یوکسک بر
ارادی حرکت قارشیسنده هیجان دویمشدر . اسکی
یونانستانک رواقی فیلسوفلری بو حقیقتی غایت اینی
کورمشلردی : مفکوره وی انسان اولارق قبول
ایتدکلری « حکیم » بر اراده قهرمانیدر . بویوک
دین اولیالرنده یوکسک کورولن حال اوتلرک
بو مفکوره اوغرینده عزتلری ، بوخصوصده کی
معنوی قهرمانلقلیدر . ساده جه آنی بر الهام
ایله بر حقیقتی بولیویره ن بر آدام فرض ایدیکنز .
البته بو آدام ، سنه لرجه معین اصول ایله بر حقیقتی
تحریر ایله ن بر عالمک وجدانلرده تولید ایله دیکی
حرمتی او یاندراماز . عالمده کوزل و یوکسک
اولان جهت متمادی تحریر عشق و اراده سیدر .
بر عصرک ، بر مدنیتک معنوی دسته کی
اولان فکر و اعتقادلری الک زیاده فلسفی
اثرلرده کورمک قابلدیر . چونکه فیلسوفلر
یاشادقلری مملکتک و زمانک اعتقادینی ،
بارز وصفی ، الک اینی سجه بیله ن و بونلر اوزرنده
دوشونه بیلن ذکالدر . صوک عصرک بویوک
فیلسوفلرینک اثرلرینه باقیکنز ، ضمنی ویا آجیق
بر طرزده معاصر بشریتک بوخصوصده کی قنا .
عتلرینک ایزینی بولور ، اراده نك بشر ایچون الک
اصلی عنصر اولدینی ، حتی ذکانک ، فعالیتک
واراده نك مولودی بولوندینی فکری کورور .
سیکنز . « قانت » ک الک بویوک مزیتلرندن بری
ونجه الک مهمی اراده نك عقل نظری یه فائقتی
ادما ایله مسیدر . فیلسوفه کوره عقل عملی
واراده ، دوغروندن دوغروندن عقیده لر ، مفکوره لر
وضع ایدر . شوپنهاور « قانت » ک اثرنده کی
بوالک مهم نقطه یی غایت اینی قاورادی . واونو بوتون

کانتانک اساسی تبدله سوق ایدن غریزه ده ،
حیات ده ، اراده ده کوردی . یازیق که باشقه بر
عامل بو جوق درین متفکری دهانی تعریفده
یا کیلتمش ، دهانی ذکانک انکشافی ظن ایتدیرمشدر .
نیچه کندینک مرییسی عد ایله دیکی شوپنهاور
فلسفه سنده کی اراده یی پک اینی تنویر ایتدی .
او ، دهانک اراده ده متمرکز اولدینی پک اینی
کوردی : « فوق البشر » ، قیمت حکملرینی
دکیشدیره بیله جک اراده قهرمانیدر .

یالکز بوقادار دکل ... الک جوق ذهنلری
اشغال ایدن مسئله لر دن بری « حقیقت » دیدیکمز
فکر و حکملرک ماهیتیدر . ناصیل اولویورده
بعض فکر و حکملری (حقیقت) عدایدیورز ؟
اسکی یونانلیلرک (سوفیست) دهنیلن متفکر .
لرندن اعتباراً بوتون فیلسوفلری ، حتی بالخاصه
صوک زمانده یوکسک عالملری اشغال ایدن الک
مهم مسئله لر دن بری بودر . صوک عصره کلنجه یه
قادر بوسواله فیلسوفلر آرارلرنده کی ایضاح فرقلرینی
قالدیریرسه ق ، ایکی تورلو جواب ویریورلردی .
بری خارجی طالمک ، شائیتک ذهن اوزرینه تاثیر
ایده رک « حقیقت » ک تشکل ایتدیکی ، دیکری
ذهنک فطری قانونلری امانه سیله خارجی تاثیرلری
ترکیب ایدرک حقیقتی تولید ایلدیکیدر . فقط
صوک الی التمش سنه ایچنده « حقیقت » ک ماهیتینی ،
معیارینی بستیون باشقه تورلو ایضاح ایدن یکی
بر مسلک وجوده کلدی . بومسلکک مدافعی
اولان فیلسوفلره کوره بر فکر ویا حکمی
« حقیقت » یاپان نه تماماً متشکل خارجی
طالمک تاثیری ، نه ده دماغه ، ذهنه خاص بعض
قانونلره اشیانک انطباعلرینک ترکییدر .
فکر و حکمی حقیقت حاله صوقان اونک تولید
ایلدیکی عمللر ، نتیجه لر ، اطمشانلردر . پراغماتیت

مملکت مطبوعاتی

فلسفه اجتماعیات مجموعہ سی۔ — استانبول

کنج لیسہ معلمان لرندن مرکب بر غروب طرفندن نشر ایدیلن بومعوعه، مملکتک صوصادینی بر احتیاجه جوابدر . بمعوعه، کوزل بر مقدمه ایله مقصدینی ایضاح ایدیور : کندیبی ایچون اساسلی بر هدف اولق اوزره، فلسفی واجتماعی مسأله لره مراق ایدنلرک بوموضوعلر حقننده کی بیلکیرلری توسیع و تقویه ایتلرینه، تدقیقلرینک سالم بر اصوله انکشاف ایچون اونلره رهبرلک ایتکه چالیشمقدردر . بمعوعه، باشلیجه دوت نوع یازی بی احتوا ایدیور . اولاً نظری قسم که بوراده ثروت بک (ایش) ی اجتماعی جبهه دن تدقیق ایتکدهدر . ثانیاً تدریسی قسمه کلور . ادبیات تدریساتنده ممتنک لزومنی ایضاح ایدن آگاه بک، فضولینک بر قصیده سنی شرح، خامی سنج بک، افلاطونک اجتماعی فکرلری

(انکلتزه وآسیا) مقاله لری وار . موسیو مارکس دیورکه : «اون سکرنجی عصرک صوکنه دوغرو ثروت، آسیا نفوذی نقطه نظرندن فرانسه وانکلتزه آراستنده رفصان بروضعیتده ایدی . بارون دوسوفرن دکنزلی طوتجه انکلتز ظفری باش کوستردی . اوزماتدن بریدرکه بو ظفر آرئیور . فقط مقدرات عکسه دونیه جکدر ؟ بو سؤاله جواب ویرمک ایچون اولاً انکلتزه نك اقتصادی امپریالیزمنی، صوکرآ آسیانک مختلف زمره لرینی قیصه جه آراشدیریور، روسیه اوزرنده اصرار و سوویت حریه قومیسری ووروشیلوفک قومونیت فرقه سنک اون بشنجی قونفرانسنده سوبلدیکی سوزلره تماس ایدیور . قومیسر : «برحرک فرداستنده یز . بو حرب براوونجاق اولقندن اوزاقدردر . بو حرب، ملیونلرجه محاربک محاربه خطنه کبردیکنی کوستره جکدر . قزیل دوناما و اردوسی آلتنده پروله تاریمز اونلرک آلی سیقه حق و امپریالیستلره اوله بردرس ویره جکدرکه آرتق اونلر بزم سوویت اتحاد مزه هجوم ایدمه جکدر . «محرر مقاله سنک صوکنده انکلتزه نك صوکن زمانلرده روسیه یه قارش کوستردیکی حرکتک تمایلکار اولدیغنی و بونک دوغرو برشی اولدیغنی سوبلدکن صوکرآ علاوه ایدیور : انکلتزه سوویتلرله مناسبی کسرکن قومونیزمک دنیا ده تمیل ایدلسنه مساعده ایتک خطاسنی نهایت آکلامش اولبور . آوروپا شیمدی ملتک مرپسی اولق رولنی مشور صورتده اوزرنه آلمش دیمکدر . عکس تقدیرده هیچ بر غرب مدافعه سی آسیا طاقه لرینک مشوم استیلا سنک اوکنه کچه میه جکدر » ژان مارکس، بو صورتله انکلتزه نك آسیاده کی نفوذینک صارصیتیندن محافظه ایدله جکنی کلامق آرزوستندهدر . فقط عجا بو طرز دوشونوش، آرتق جوق فضله شیشه ن ووشیشکینلکی ایله غیرطبیعی بر شکل آلان انکلتز امپریالیزمنی، وقوعنی سزدیکمز بر صارصیتیندن محافظه ایدمه بیله جکمدردر ؟ ...

ایضاح ایدیور . بو آراده دورقهایمک (اتجار) ینه عائد برده تلخیص وار . صوکرآ تطبیق قسمی کوریورز . غمیرجلال بک ویرکوسیاستنک خطوطنی، حللی ضیا بک لیسه لرنده کی اجتماعیات پروغرامنی آراشدیریورلر . نهایت تنقیدی صحیفه لرنده م . ث امضای یازی، اخیراً چیقان بر (اجتماعیات) کتابی انتقاد ایتکدهدر .

عمومیت اعتباریله فلسفه واجتماعیات بمعوعه سی، سیسته ماتیک بر مساعی آلتنده حرارتلی بر علم فعالیتنه کیریشمش منظره سنی ویریور . کونک آلپک مملکت مزده آجیدینی اجتماعیات چیغیرنده ده ا علمی وشعوری شکلده چالیشمحق بر فکر کنجککنه نه قادر محتاجز . اگر بمعوعه، بوغایه یه نسبی بر تقرب تأمین ایدرسه وظیفه سنده موفق اولمش دیمکدر . مقصدینی ایضاح ایدن، مختلف اجتماعیات شعبه لری حقننده تدقیقلرله بو مقصدینی بالفعل کوسترن فلسفه واجتماعیات بمعوعه سی ؛ داها ایلک نسخه سنده بوموقعیته دوغرویه آدم آتمشدر . (حیات) ایچون بو آدم جدأ تبریک وتقدیره شایاندردر .

نورک یوروی . — صوکن نسخه سنده (بکناشیلر)،

(قیه سقونک قیامی) سلسله لری دوام ایدیور . نجیب عاصم بک، مملکتندن کلن همشهریلرله بر مصاحبه یاقمدهدر . مصاحبه ده، غربی آنادولو تاریخنه، تورکک انتباهنه حصر ایدن قیمتلی بر انسانک عزیز خاطره لری وار . کلپسلی رفعت بک، «عاشق باشا زاده تاریخی» نه عائد کتابیاتنده، موجود نسخه لری قاریشدره رق اُترک بیکدن بر طبعه نائل اونسنی تمنی ایدیور . روسیه دن ترجمه ایدیلن (سقوط) حکایه سی جوق کوزل . بو حکایه ایله روس ادبیاتنک شاه اُترلرینه اولان احتیاجی بر کره ده ا حس ایدیورز .

بزم غزنه . — احمد توفیق بک (شکر فایزیه لری)،

عبدالرحیم شریف بک (ارض زرم تاریخی) آدلی مقاله لرینه دوام ایتکدهدرلر . سلجوق اثرلرندن «جفته مناره» حقننده اطرافلی بر نه تودی ذکره ده کر، دیگر یازیلری ایله ده بر ولایت بمعوعه سنک نه کی موضوعلر اوزرنده اوغراشمسی لازم کلدیکنی بالفعل کوسترن «بزم غزنه»، بوتون آنادولو بمعوعه لرینه نمونه اولاجق قادر علمی اساسلرداخلنده چالیشمقدردر .

اقبال . — صوکن نسخه لرنده کوردیکمز ایکی

یازی سلسله سی، (اقبال) اوزرنده بزی توقفه مجبور براقیور . امضاسزیدی مقاله طریزونک اقتصادی مسأله لرینی درین برتحلیله تابع طومقمدهدر . بانقه، فندق، ترانیت، پیاسه ... کی موضوعلر اوزرنده یورون محرر، شهرک اقتصادی انکشافی ایچون دوشونجه لرینی سرد ایدیور . بونلرک آراستنده شمال آنادولوسنک مهم بر استحصال منبئی اولان فندق تجارتنده کی بحرانیلری کوسترن سطرلر مهمدر . مقاله صاحبنه کوره بو بحرانک سبیلری شونلردر : (۱)

تجارک استخبارات واسطه لرندن محرومیتی ؛ (۲) بین الملل تجاری اصولره عدم وقوف ؛ (۳) فندق تجارتنه حمایه ایدمه جک قره دی منابنک دارلنی ؛ بو سبیلری ازاله ایچون علاقه دار مستحصل و تجار ایله معاصر اقتصاد عامنک بیلکیرلری قارشولاشدیرمق، قورتاریخی بر شکل بولق لازمدر .

دیگریازی سلسله سی ایدیدر . (یاقایان آتش) سرلوحه سنی طاشیان اثر ؛ ۱۰ اوزون بر حکایه در . حکایه نك قهرمانلرندن اولان بدیهه نك خاطره دفترندن آلمس صحیفه لر نه قادر جانلی ! کمال احمد بکک یاقیندن تعقیب ایتدیکمز بو کوزل حکایه سنده، بالخاصه اسلوبک ولسانک ساده کوزللیکی، موضوعک بدیی ایشله یشی دفته شایاندردر . تفرقه لر ختامه ایرنجه (یاقایان آتش) ک تمنی ایتدیکمز طبعی کورمک، ادبی عالمزده هر حالده یکی بر حادنه تولید ایدمه جکدر .

ثروت فنرینه . — ثروت فنونک صوکن نسخه لرنده

(۱۲۸ - ۱۳۰) جناب بک، شعر مزک وزننه عائد مسأله یی تدقیق ایدیور . محرر ایکی کنجدن بر مکتوب آلمشدر . کندیتنه سورویورلر : «... هجه وزنی ده نظم لسانک بر قاعده سیدر . فقط عروضک آهنگنی هجه ده بولایلمه مزه وعروضله افاده ایتدیکمز هر فکری، هر موضوعی عینی قوتله هجه یه نقل ایدمه بیلیمه مزه شیمدیلک امکان واری ؟ ...» مقاله صاحبی بو سؤاله جواب ویرمک ایچون نظم = نثر + موسیقی معادله سنی اثباته چالیشمقدردر، آهنگک فلسفه سنی یاقمده، عروض و هجه وزنلرینک مختلف ملتلرده کی استعمال طرزندن بحث ایلکدهدر . عروض، آهنگ ایچون جوق مساعددر . مع مافیه : «نم، سوبیورم، دیه مه مساعد اولمایان بر آهنگک تولجوسی شعر وعشق قدسیقی نامنه مردود اولما ایدر» دین یحیی کمال حقنر دکلدردر . بو کونکی ادبی وضعیتده ایکی وزنز وار . اوکزده ایکی استقامت کورویورز : (۱) عروضی تعدیل و اصلاح ایدمه رک لسانزه تمامیه انطباق قبول ایدمه جک بر حاله افراغ ایدمه جکز . (۲) متحرک رک ساکنلرک و محدودلرک حقوق لحیه لرینه رعایت ایدمه رک بعضی قیود وضی ایله هجه وزنی تأمین آهنگمه مساعد قیله جفز . جناب بکه کوره، هجه وزنیه شعر یازان بو کونکی کنج شاعرلرک موفقیتتی، عروضه وقوفلرنده آرامالی یز . ایشته محررک ایکی کنجه ویردیکی اوزون جوابک خلاصه سی ...

وزن مسأله سی، انکشافی آراشدیریلان آنادولو ادبیاتنک اک مهم مسأله سیدر . ادبی ظفر مزک شکلی و جرجیوه سنی دوشونمک مجبوریننده اولدیغیمیزی اونوتمایلم . علی اکرم، حامد، جناب ... کی بر قاج شخصیتی اطرافنده طوبلایان ثروت فنونک بو مباحثه لرنده اهمیتله دوام ایتسی شایان نمیدر .

مدیر مسئول : محمد امین
استانبول — دولت مطبعه سی